



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIAL

Komunikadu Imprensa

25 Juñu 2013

JSMP realiza treinamentu kona-ba demokrasia iha Suco Atara: Lider Komunitáriu ejize hasoru Membrus Parlamentu sira

Iha 20 Juñu 2013, JSMP liu husi Unidade Programa Observasaun Parlamentár (POP) kontinua hala'ó treinamentu kona-ba demokrasia no knaar orgaun soberanu sira nian ba lider komunitaria iha Suco Atara, Sub-Distritu Atsabe, Distritu Ermera.

Partisipa iha treinamentu ne'e hamutuk ema nain 30, feto nain 11 no mane nain 19. Partisipantes sira kompostu husi xefe suco no estrutura suco nian, inklui representante OPMT, representante joventude feto no mane, agrikultór, relioju no estudates sira.

“Treinamentu ne'e ho objetivu atu kontinua habelar informasaun ba lideransa komunitária sira no comunidade sira atu nune'é sira iha koñesimentu suficiente kona-ba lalaok, prosesu demokrasia iha Timor-Leste no knaar orgaun soberanu hat hanesan Prezidente Repúblika, Parlamentu Nasionál, Governu no Tribunál”, dehan Direitór Ezekutivu JSMP, Luis Oliveira Sampaio.

Iha biban ne'e, Xefi Suco Atara Lourenço de Jesus agradese tebes ba JSMP ba realizasaun treinamentu ne'e tanbá bele fó kbiit liu tan ba comunidade sira oinsá utiliza sira nia direitu no dever tuir konstituisaun RDTL.

Nia hatutan katak Programa treinamentu ne'e nu'udar pasu pozitivu ida importante hodi disemina informasaun liu-liu ba sira lideransa komunitária hodi kontribui ba prosesu demokrasia, liuliu ba knaar orgaun soberanu sira ne'ebé mak dalabarak halo sira konfuzau. Komunitade sira dalabarak la-hatene oinsa atu kanaliza sira nia preokupaaun ba orgaun kompetente.

Partisipante sira ne'ebé maka marka prezensa ativu tebes no rekomenda ba JSMP atu bele hetan representasaun iha Seminar Nasionál hodi hasoru malu ho Membru Parlamentu sira iha Novembru, nune'e sira bele hato'ó direta sira nia problema sosial ne'ebé mak durante ne'e sira hasoru.

Atu hetan informasaun kle'an liután favór kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone: 3323883 | 77295795

Website: www.jsmp.tl

Facebook: www.facebook.com/timorleste.jsmp

Twitter: @JSMP.